

KENYATAAN MEDIA



KEMENTERIAN PERDAGANGAN DALAM NEGERI DAN HAL EHWAL PENGGUNA
No. 13 Persiaran Perdana, Presint 2,
62623 Putrajaya

No. Telefon : 03-8882 5562
No. Fax : 03-8882 5569

KEADAAN SEMASA MENGENAI HARGA AYAM DAN TELUR AYAM

PUTRAJAYA, 18 Oktober 2022 – Kementerian Perdagangan Dalam Negeri dan Hal Ehwal Pengguna (KPDNHEP) memandang serius berhubung dengan laporan media mengenai peningkatan harga runcit ayam.

2. Program mekanisme kawalan harga maksimum bagi ayam dan telur telah dilaksanakan semenjak 5 Februari 2022. Mekanisme ini dilaksanakan untuk mengekang peningkatan harga ayam dan telur ayam secara mendadak di pasaran terutamanya selepas musim perayaan di bawah Skim Harga Maksimum Musim Perayaan (SHHMP). Sebagai rujukan semula, kawalan harga maksimum adalah seperti berikut:

a. Harga kawalan ayam

LOKASI	PELADANG	PEMBORONG	PERUNCIT
Semenanjung	RM6.00	RM8.10	RM9.40
Sarawak (Kuching)	RM6.60	RM8.60	RM9.80
Sabah (Kota Kinabalu)	RM6.80	RM9.80	RM11.00

b. Harga kawalan bagi telur gred A, B, dan C

LOKASI	PELADANG			PEMBORONG			PERUNCIT		
	Gred A	Gred B	Gred C	Gred A	Gred B	Gred C	Gred A	Gred B	Gred C
Semenanjung	RM0.39	RM0.37	RM0.35	RM0.42	RM0.40	RM0.38	RM0.45	RM0.43	RM0.41
Sarawak (Kuching)	RM0.41	RM0.39	RM0.37	RM0.44	RM0.42	RM0.40	RM0.47	RM0.45	RM0.43
Sabah (Kota Kinabalu)	RM0.44	RM0.43	RM0.42	RM0.47	RM0.46	RM0.45	RM0.50	RM0.49	RM0.48

3. Berdasarkan cerapan harga harian pada 15 Oktober 2022 oleh Kementerian, adalah didapati bahawa harga purata nasional adalah RM9.18/kg. Manakala harga purata bagi Semenanjung Malaysia adalah sebanyak RM9.13/kg. Ini bermakna, harga ayam runcit sebenarnya masih di bawah harga kawalan maksimum RM9.40/kg.

4. Seperti komoditi lain, harga bagi ayam dan telur ayam akan turut terkesan dan mengalami perubahan selaras dengan pergerakan kos input pengeluaran seperti jagung bijian dan *soy bean meal*. Namun begitu, kerajaan akan terus komited dalam memastikan harga di setiap rangkaian bekalan tidak akan melebihi harga maksimum.

5. Kementerian juga ingin menekankan bahawa terdapat Program Jualan Murah Keluarga Murah (PJMKM) yang turut menawarkan harga lebih rendah sehingga 20 peratus kerana terdapat subsidi tambahan jualan bagi memastikan harga di bawah harga kawalan maksimum.

6. Kementerian juga ingin memberi amaran kepada semua pihak terutamanya penternak, pemborong dan peruncit untuk menjual ayam dan telur untuk sentiasa mematuhi kawalan harga maksimum ini dan kegagalan mematuhinya akan mengakibatkan mereka diambil tindakan di bawah akta-akta yang berkaitan.

7. Kementerian juga telah membentangkan status kedudukan harga dan bekalan semasa ayam dan telur ini dalam Mesyuarat Jawatankuasa Teknikal Pasukan Khas Jihad Menangani Inflasi yang telah dipengerusikan oleh YB Dato' Sri Mustapa bin Mohamed, Menteri Ekonomi pada 17 Oktober 2022.

DATUK AZMAN MOHD YUSOF

Ketua Setiausaha

Kementerian Perdagangan Dalam Negeri

Dan Hal Ehwal Pengguna

PUTRAJAYA, 18 OKTOBER 2022